

رحلت ختم رسل

بیخیلیب دینین ائوی رحلت ائدیپ ختم رسل
چیرپیلیب دین قاپیسی حضرت زهرا باشینا.
سقط اولوب محسنو، زهرا اؤزو ده اولدو شهید
کؤل الندی او زاماندان بری دونیا باشینا.
کربلا فاجعه‌سی بذرین اکیب باشلاندی
تا قیامت نه قویا زینب کبری باشینا.
مدعی اولمادی فرمان غدیره تسلیم
گؤز نه طوفان گتیریب امت طه باشینا.
مشورت امر الهی‌ده اولور مو؟ هیهات!
چکدیلر جبر ایله مولانی دا شورا باشینا.
حضرت فاطمه‌نین قبری ده مهجور اولدو

چادر عصمتینی سالدی ثریّا باشینا.
امت اولمازسا امامت ده اولار خانه‌نشین
دولانار کعبه ده گنندیکجه کیلیسا باشینا.
بو اولان ایشدی کی آخشام چاغی، آلاّه چویانی
چؤلده، آلاّه داوارین بوشلایا بیجا باشینا؟
امتین اکثری مصداق «لقد حق القول»
او حواری بیغیشامماری مسیحا باشینا.
مسلمین دؤرد نفری مؤمن اولوب سلمان تک
یوسفین عشقی دؤشر دبیده زلیخا باشینا.
کؤلگه‌سی تاج سعادت، بو شهادت شوقی
اؤزو بیر قوش کی قونوب سدره و طویب باشینا.
شهریار، گلدی حسنین سسی، عاشوراسی
تا دؤشه عشق شهادت دل شیدا باشینا.

